

S2942

5-142

寓意草
下

直推嵒翁公祖病後再悞貽患



嵒翁公祖深知醫理投劑咸中肯綮所以長年久世然苦耳鳴不樂對客其左右侍從誰能究心醫藥之事前病獲安競以爲人參之力而卸患者反得居功謂其意中原欲用參但不敢專主姑進不肖商確以示詳慎耳於是善後之宜一以諉之曾不顧夫一悞再悞也吁嗟善後之尚遂果易謀乎哉前所論虛風一症昌纔用甘寒藥二劑稍効俄焉更醫悞以傷寒爲治而致危殆昌雖用旋伏代赭二劑回天然前此虛風本症尚無暇於驅除而主家及醫其時方競誇

人參之力。謂調理更宜倍用。無俟參酌。曾不思虛風
醞釀日深。他日再求良治。不能及矣。此際欲造庭力
爭。必謂生端。卽上書陳說。又恐中格。惟有撫膺展轉
太息而已。吁嗟時事之不可爲。大都若此矣。然雖不
得借箸而籌。未可不列眉而論也。內經云。風者善行
而數變。言風之爲病。無定體也。又曰。病成而變。此則
專言胃風所傳之病。變症最多也。變症有五。一曰風
成爲寒熱。以風氣通肝。則木盛而侮脾胃。故生寒熱
也。祖翁前病時。左關之脉獨大。自云氣反攻左。而每
多寒熱之候。致醫輩視爲外感者。是其徵也。一曰厥

胃風五症
一人之身
已至矣
醫者不知
此案習
循一燈所
闡非渺

成爲巔疾。厥者逆也。謂胃氣逆而上升。成巔頂之疾。如眩暈之類也。祖翁前病時。呃逆不休。時覺昏暈者。是其徵也。一曰痺。成爲消中。痺者熱也。熱積胃中。善食而易饑。火之害也。祖翁胃中素有積熱。而多欲得食者。是其徵也。一曰久風。爲飡泄。言胃中風熾。飡已卽泄。不留停也。祖翁平素三四日始一大便。今嘗無故泄下數行。是其徵也。一曰脉風。成爲癘。言胃中之風醞釀既久。則榮氣腐而不清。肌肉之間。漸至潰爛。以胃主肌肉也。祖翁四末及脉道之間。慣生瘡瘍。浸淫爲害者。是其徵也。此五者。總爲胃風之病。祖翁俱

已見端。又喜。飡羊肉河豚。以召致之。然亦不自繇也。
蓋風煽胃中。如轉丸之捷。食入易消。不得不借資於
厚味。而不知胃中元氣久從暗耗。設虛風止熄。卽清
薄之味。尚不易化。況於肥甘乎。今之醫者。全不究病
前病後消息。明明語以虛風之症。竟不知虛風爲何
物。奈何言醫耶。奈何言調攝耶。昌於此殆不勝古今
家國之感矣。

案雖定而狂瞽之言未便呈覽。兼值昌有浙遊旋
日。祖翁復得重恙。召診時語昌云。一病幾危。今幸
稍可。但徹夜撰改本章不輟。神亂奈何。昌對曰。胃

參精降參
下行之功
然茲益見

風久熾。津液乾稿。眞火內燔。宜用知母一兩。人參
甘草各一錢。日進二劑。自安衆議。方中用參太少。
且無補藥佐之。全無取義。竟置不用。連進參朮大
劑不効。越三日。劑中人參竟加一兩。服後頃刻氣
高不返。而仙逝。八旬元老。勲勒鼎彝。子姓森森。遶
榻三匝。夫復何憾。獨昌親承棧樸之化。於報稱之
心。有所未慊也。哀哉。

卷之四
四

風入。秋。將。落。葉。黃。火。內。各。有。和。世。居。一。頭。小。
甘。草。香。一。發。口。雙。三。所。自。安。眾。結。衣。中。佩。參。大。
仕。無。絲。藥。出。文。金。無。煩。難。置。罷。下。風。動。動。參。水。夫。
康。不。收。蠟。三。日。續。中。人。參。黃。賦。一。兩。如。鈴。鈴。風。尿。
高。不。致。而。齡。被。人。臣。武。承。無。得。則。爲。平。換。森。森。雲。

直敘立刻救甦劉筠枝不終其用之故

筠枝先生創業維艱大率得之節蓄者多。狀七旬御女不輟此先天元陽固密非人力之所爲也。若能良賈深藏可以百年用之不竭。奈何以御女之故而數擾其陽耶。夫陽者親上而衛外。易出而難收者也。在根基淺露之軀。毫不敢肆情縱慾。幸而根深蒂固。不易動搖。乃以房中之術自伐其根。而重加栽接。致大命危於頃刻。豈悞以節蓄之方而倒施之御女乎。夏月陽氣在外。陰氣在內。此時調攝之藥。全以扶陽抑陰爲主。翁偶不快。實飲食起居如嘗。醫者以壯年傷

暑之藥香薷黃柏石膏知母滑石車前木通投之。卽
刻不支。卧於床褥。次早余見時。則身僵頸硬。舌強喉
啞。無生理矣。余診畢云。此症雖危。然因悞藥所致。甫
隔一晚。尚可以藥速追急。以大附子乾薑人參白朮
各五錢甘草三錢大劑煎服。可解此厄。萬不宜遲。渠
諸子不能決。余忙取藥自煎。衆議姑以前方煎四分
之一服之。安貼再煎。未遲。只得從之。藥成送進。適前
醫再至。遂入診。良久阻藥不用。余面辱其醫。進房親
督灌藥。寸香之久。翁大嘔一聲醒。而能言。但聲雌而
顫。呼諸子乳名云。適纔見州官回。詢其所繇。開目視。

之不語。轉問醫者何人。曰江西喻。遂握手一拱。又云。門縫有風來。塞塞。余甚快。忙出煎所存三分之藥。以續進。維時嫺族襍至。商以肩輿送余歸寓。余斷欲進藥。衆勸云。且暫回寓。或者明日再請。其意中必懼吾之面折醫輩耳。及他醫進藥。啞。噴如前。越二日而逝。余爲之嘆惜不已焉。七旬御女不輟。斧斤於內而假庸醫以權。長子次子繼天斧斤於外而開嫺族以累氣。機久動。尚自謂百年無患也。於人乎何尤。

胡貞臣先生曰。獻玉而遭。則認爲頑石也。投珠而按劍。詭爲不祥也。至剖石得玉。轉災爲祥。尚狀不

卷之五十五

論徐嶽生將成痿痺之症

徐嶽生軀盛氣充、昔年因食指微傷見血、以冷水濯之、遂至血凝不散、腫潰出膿、血數升、小筋脫出三節、指廢不伸、邇來兩足間、纔至秋月、便覺畏冷、重綿蔽之外、拊仍熱、內揣獨覺其寒、近日從踵至膝、後筋痛不便、遠行雲間老醫令服八味丸、深中其意、及僕診、自云平素脉難摸索、乃肝肺二部、反見洪大、大爲病進、况在冬月、未落金寒時、尤爲不宜、方來之勢、將有不可嚮邇者、八味丸之桂附、未可輕服也、何也、筋者肝之合也、附筋之血、旣經食指之挹、取存留無幾、不

能榮養筋脉。加以忿怒。數動肝火。傳熱於筋。足跗之
大筋得熱而短。是以牽強不便於行也。然肝之所至
者。惟肺。木性畏金。稟令擁戴。若君主然。故必肺氣先
清。週身氣。廼下行。今肺脉大。則肺氣又爲心主所傷。
壅塞不清。是以陽氣不能下達。而足寒也。然則所患
雖微。已犯三逆。平素脉細。而今脉大。一逆也。肝脉大。
而熱下傳。二逆也。肺脉大而氣上壅。三逆也。設悞以
桂附治之。熱者愈熱。壅者愈壅。卽日便成痿痺矣。此
際用藥。淵乎微乎。有尋常不能測識者。蓋筋脉短勁。
肝氣內鋼。須亟講於金伐木榮之道。以金伐木。而木

重覆
天駭德聞

凱切

反榮筋反舒匪深通元造者其孰能知之然非金氣
自壅則木且奉令不暇何敢內拒惟金失其剛轉而
爲柔是以木失其柔轉而爲剛故治此患先以清金
爲第一義也然清金又先以清胃爲第一義不清其
胃則飲酒焉而熱氣輸於肺矣厚味焉而濁氣輸於
肺矣藥力幾何能勝清金之任哉金不清如大敵在
前主將懦弱已不能望其成功況舍清金而更加以
助火燂金倒行逆施以爲治耶必不得之數矣
翁見藥石之言漫無忌諱反疑爲張大其說而莫
之信竟服八味丸一月後痿痺之情悉著不幸所

言果驗乃卧床一軟必不令僕一見聞最後陽道
盡縮小水全無乃肺金之氣先絕於上所以致此
明明言之而竟蹈之奈何奈何

胡貞臣先生曰此治痿痺症之妙法蓮華經也
不當作文字褻視

論江冲寰先生足患治法

庚辰冬於鼎翁公祖園中識先生半面。竊見身體重着。行步艱難。面色滯晦。語言遲緩。以爲有虛風卒中。之候也。因爲過慮。辛巳秋。召診間。細察脾脉。緩急不調。肺脉勁大。然肝木尚平。陽氣尚旺。是入風之邪。未可易中。而筋脉掣痛。不能安寢者。大率風而加之以濕。交煽其虐所致。以斯知。尚可引年而施治也。何也。風者肝之病。天之氣也。濕者脾於病地之氣也。天氣迅疾。故發之暴益。以地氣之迂緩。反有所牽制。而不能暴矣。然氣別則病殊。而氣交則病合。有不可不明。

觀藥病
合之旨
八心花頓
開

辨者病殊者。在天氣則風爲百病之長。其來微則隨
相尅爲傳次。必遍五藏而始烈。其來甚則不繇傳次
而直中。唯體虛之人。患始不測焉。在地氣則濕爲下
體之患。其來微則足跗腫大。然得所勝亦旋消。其來
甚則害及皮肉筋脉。以漸而上攻。亦唯陽虛之人。勢
始騰越焉。兩者一本之天一本之地。病各懸殊。治亦
異法者也。病合者。天之氣入於筋脉。地之氣亦入於
筋脉。時乎天氣勝則筋脉張而勁焉。時乎地氣勝則
筋脉驕而緩焉。兩者其源雖異。其流則同。交相醞結
蔓而難圖者也。先生房中之風。始雖不可知。然而所